

經集

十一二

樂書孤存  
貞



樂書孤存目次

第十卷

查十二琴瑟之制

第十一卷

查十二笙之制

查十二簫之制

查十二笛之制

訂八音不可與八卦配合

訂五聲不可與五行配合

訂五聲不可以配君臣事物

訂管子牛羊雉豕之鳴非五聲之實模

訂字音之喉齶舌齒唇不可以配五聲

訂五聲之調或七或九不可多至於二十八

## 第十二卷

訂五聲之別不過乎絲竹金石

訂絲聲經緯絃徽各取五聲以盡五聲之妙用

訂竹聲以其孔穴應五聲又有開闔金半之妙用

訂金聲石聲以槌之大小擊之高下別其五聲

訂樂具始終而五聲交錯凡再周爲一章笙鑪說

訂五聲不限字數或一字而轉數聲唐樂笛字譜

訂五聲各具一五聲

寧府五聲圖設律尺九九圖

舞義

樂記

七德舞

納言義



與猶堂集卷之百十五

洌水 丁鏞 著

樂書孤存 十

查十二琴瑟之制

八音之中琴瑟最貴鍾鼓磬管皆陳堂下唯琴瑟設於堂上用於房中君子無故不徹琴瑟示未嘗斯須去身以禁其非辟之心者也乃其制度亡軼不傳秦漢以來人自爲制漫無限節或長或短或廣或狹或圓如貫月稱以師或尖如起峯衛秦珪鳳或多絃或少絃或多徽舌琴如此或少徽唯意所欲委於無法唯樞桐而彈卽名爲琴而

復有制度哉然且琴之與瑟形制必殊而經傳圖列彼此相類不可比別余考先儒所論雖其說雜出不可執定大抵少絃曰琴多絃曰瑟直頭曰琴屈頭曰瑟少絃者體狹多絃者體廣是其別也似琴而小者謂之箏篴似瑟而小者謂之箏筑似琴似瑟者謂之琵琶是又其種類之旁出者也三古之制雖不可問集衆取長刪其邪僞庶亦不遠於古法也

**爾雅**大琴謂之離大瑟謂之灑○明堂位云大琴大瑟中琴小瑟四代之樂器也○鏞案大琴之長九尺故六尺爲中琴三尺爲小琴有三等也大瑟之長不過六尺

詳見故三尺以為小瑟更無中瑟經所云中琴小瑟此

之謂也大琴大瑟各具十有二律用於郊廟宴饗中琴

小瑟但為房中之樂未必具十二律也或曰小琴小瑟或後世笙篴

箏箴之類今不可詳

易緯通卦驗冬日至鼓黃鍾之瑟春秋緯亦有此說已見鼓條○鏞

案既有黃鍾之瑟則大呂之瑟太簇之瑟明亦各有十

二律之各一琴瑟可勝言哉此乃三古遺文之未盡漸

減者學者之所明目也緯書本具十二琴瑟後之著書

者節錄其一故但舉黃鍾之瑟舉一隅可以反三也後漢

書禮儀志云或擊黃鍾之磬或鼓黃鍾之瑟

通考宋朝嘗為十二絃琴應十有二律○樂工指法按

中暉第一絃黃鍾

按上為大呂

第二絃太簇

按上為夾鍾

第三絃

姑洗

按上為仲呂

第四絃蕤賓

單彈也

第五絃林鍾

按上為夷則

第

六絃南呂

按上為無射

第七絃應鍾

按上為黃鍾清

○鑪案樂亡至

此極矣琴瑟之制以其體之大小則有十有二等以應

十有二律以其絃之多少則古琴瑟止有五絃以具五

聲

舜彈南薰琴又朱襄氏製五絃瑟

中古或加二絃為七絃琴揚雄謂

陶唐氏加二絃以會君臣之恩桓譚以為文王加少宮

少商二絃釋知匠以為文王武王各加一以為文絃武

絃蓋以形體應鍾呂以絃數應宮商也經曰大師掌六

律六同皆文之以五聲六律者體也經也五聲者用也

緯也今也製琴大小長短惟意所欲漫無限節乃欲文

之以六律以成節奏不亦乖於古乎以絃數應律名已

違經制况以按指舉指單彈駢彈別之為十有二律樂

亡乃至是乎形體不應鍾呂則六律亡矣絃數不應宮

商則五聲亡矣於是任意增減棼然淆亂以琴則有一

絃魏孫登二絃宋制兩三絃江左所用四絃鮑生所蓄

錄八絃李搔九絃蔡邕十絃陳氏暘云琴十二絃宋朝

十三絃頌琴也十四絃見通十五絃路史云瞽二十絃

通考云二十七絃頌琴也見以瑟則有四絃聶崇義圖

古琴陳氏樂書

蕃瑟十二絃唐司馬十四絃唐任假十五絃瞽麥判五

九絃聶崇義圖用二十三絃二十舜益十五二十

五黃帝破五十絃為二十七郭璞爾五十庖犧

絃少者或以柱數暉數當十有二律絃多者或以二絃

四絃當十有二律或於十二之外特加一絃謂之中絃

或於十二之外猥加數絃謂之二變四清正倍濁倍瑣

瑣名義不可殫述總之雅樂之琴不過五絃俗樂或為

七絃以當二變或為九絃以當四清瑟之絃數或當倍

琴外此皆姦聲也其體之別乃有十二每用某律取本

律之琴瑟此其所急者也

右論絃法

宋朝太常琴制其長三尺六寸三百六十分象周天之  
度絃有三節聲自焦尾至中暉為濁聲自中暉至第四  
暉為中聲上至第一暉為清聲 陳暘云琴之為樂絃  
合聲以作主暉分律以配臣自臨岳下際至龍口銜絃  
以夷則為中界夷則至臨岳下際以仲呂為中界仲呂  
上至臨岳下際以太簇為中界其夾鍾姑洗蕤賓林鍾  
四暉卽泛調取定以為太簇翻至龍口而暉數足矣自  
古十有三其一象閏蓋用螺蚌為之近代用金玉瑟瑟  
水晶等實未聞有絃繩之義蓋所  
以示其明瑩以節奢縱而已 ○鏞案琴之有徽古也嵇  
俗傳暉作徽疆之徽誤矣 康琴賦云絃以園客之絲徽以鍾山之玉晉書陶潛傳

云潛蓄琴一張絃徽不具則晉時琴有徽也揚雄解嘲

曰絃者高張急徽

師古曰琴徽也所以表發撫抑之處

中興書目云琴經

一卷諸葛亮撰述製琴之始及七絃之音十三徽所象

之意則東京琴有徽也淮南子云鄒忌一徽琴而威王

終久悲西京雜記云高祖初入咸陽宮得琴長六尺安

十三絃二十六徽皆用七寶飾之則秦漢之際琴有徽

也

正字通琴節曰徽

但此琴徽

徽暉通

所以表五聲之慢急與之

和合古所謂表發抑按卽其慢急之節數也後世以此

遂當十二律之別可乎十二律明明是經聲五音二變

明明是緯聲今反以五絃七絃立之爲經而十二律屈

之爲緯可乎若如唐宋之說則凡琴聲有宮之黃鍾商  
之大呂而黃鍾之宮大呂之商理所無有歷考古典有  
言宮之黃鍾商之大呂者乎五絃七絃明明是五音七  
音則五絃七絃之前十有二律明明已具於本體之上  
斷斷非十二徽之所能當也此易知之理無疑之事尚  
有議乎○然且中國琴徽之制但於琴體之上的皚然  
星羅棋布有若秤衡之有星點而已故李肇國史補云  
蜀中雷氏斲琴常自品第第一者以玉徽次者以瑟瑟  
徽又次者以金徽又次者以螺蚌之徽尚書故實亦云而聶氏  
禮圖及圖書諸編凡圖繪古琴者必其右偏有圓圈十

三則徽之形也其必以貝玉爲之者取月下明瑩易於

察視也卽近世琴制亦必稱徽之圍徑幾分

詳見下

不言

長短崇卑其法之一如秤星斯可驗矣乃吾東誤據通  
考諸文忽削木版十有三枚膠著琴背名之曰徽又名  
曰顆又轉而譌曰卦曰罍於是當中三絃直跨第一版  
而十二版次次低小以待抑按左右各二絃不能跨版  
謂之外弦別立屬柱以之出聲然且冒名竊號儼云此  
卦應某律彼罍應某呂雜據朱子琴律說陳氏琴暉論  
諸文以詔一世孤陋蒙昧一至此不可嗟乎大凡絲  
聲必有柱琴瑟箏筑篪篴琵琶之等雖其形制各殊總

之非柱則不聲又其立柱之妙專在推移上下故膠柱鼓瑟古人號爲不通吾東乃蹈此禁恬不知愧不亦甚

乎或又曰施暉之謂琴設柱之謂瑟則不稽之言也彼

據趙奢傳

蘭相如曰王以名使括若膠柱而鼓瑟

韓詩外傳

趙王鼓瑟使者曰可記其

柱王曰絃有緩急柱有推移不可記也

淮南子

五帝異道三王殊事猶師曠之施瑟柱所推移上下

者無尺寸之度而靡不中音

諸文遂云唯瑟有柱然琴亦有柱其制

不殊故王充論衡鼓琴者誤于張絃設柱其師知之易

其絃而移其柱江淹蓮花賦云秋鴈度兮芳草殘琴柱

急兮江上寒庾信小園賦云琴號珠柱書名玉杯琴其

無柱乎琴譜所謂左按右彈正以中柱爲嶺自柱以左

按之抑之自柱以右彈之鼓之耳今俗以第一版爲嶺  
其餘十二版皆隱伏絃底不與絃接每作一聲強抑已  
急之絃使之下接本版於是抑其左偏以取其聲奈此  
所抑之處雖於本版爲左仍於第一版爲右何以作聲  
乎第一版狀若大嶺前後皆低本版勢若層崖前低後  
高此豈可按之處乎中國以十二徽當十二律已是大  
誤況以十二版代十二徽顯犯膠柱之戒常作槁木之  
聲而雅樂俗樂一此爲法迷不知變不亦甚乎○琴之  
所以設暉者所以表立柱之界限也柱遠則聲濁

遠於  
嶽

柱促則聲清

近於  
嶽

故彈宮調者立柱於宮界

遠於  
嶽

彈羽

調者立柱於羽界

詳末篇

暉所以表界也曲調既轉柱步

隨移上下往來惟意所欲而其聲之清濁舒促亦千變萬化流動不滯此豈膠定不動如今之十三版者乎○由是觀之琴亦有柱瑟亦有徽非此二物無以為聲唯琴絃少而徽多瑟絃多而徽少是其別耳

右論徽法

史記樂書琴長八尺一寸正度也弦大者為宮而居中  
央君也商張右傍其餘大小相次不失其次序則君臣  
之位正矣○郭璞爾雅註云大瑟長八尺一寸廣一尺  
八寸二十七絃

疏云二十七絃未見所出

廣雅曰琴長三尺六寸六

分五絃

或曰琴大者二十  
七絃未詳長短

○三禮圖云雅瑟長八尺一

寸廣一尺八寸二十三絃其常用者十九絃其餘四絃

謂之番番贏也頌瑟長七尺二寸廣尺八寸二十五絃

盡用之爾雅疏○通考云伏犧樣長三尺九寸三分後周尺

舜樣長三尺八寸二分古玉尺孔子樣三尺六寸四分周用尺

尺司馬相如三尺八寸六分半後晉尺蔡邕三尺七寸八

分用官尺伯牙長三尺七寸二分築表尺嵇康三尺七寸一

池魏中尺宋太常琴制其長三尺六寸三百分象周

天之度也陳暘云廣六寸象六合也腰廣四寸象四時也○陳暘曰瑟之制有

八尺一寸廣一尺八寸者有七尺二寸廣尺八寸者有

五尺五寸者豈三等之制不同歟易通云黃鍾之瑟冬

日至用槐八尺一寸夏日至用桑五尺七寸○又曰三尺六寸六分中琴之度也八尺一寸大琴之度也或以七尺一寸言之或以四尺五寸言之以爲大琴則不足以爲中琴則有餘要之皆不若六六之數爲不失中聲也○鋪案琴旣少絃其體宜長瑟旣多絃其體宜短蓋人手止有十指左按右彈翻動不暇若於二十五絃之瑟又加以八尺一寸之長則雖以牙曠之妙手必無以上下進退悉中音節乃歷代舊制瑟必加長琴或反短此其不合於理者也

通考姜夔定瑟之制桐爲背梓爲腹長九尺九寸首尾

各九寸隱間八尺一寸廣尺有八寸岳崇寸有八分中  
施九梁皆象黃鍾之數梁下相連使其聲冲融首尾之  
下爲兩穴使其聲條達是傳所謂大瑟達越也設二十  
五絃絃一柱崇二寸七分絃八十一絲而朱之

其尺用漢尺

○鑪案姜夔之制濺中先王之典刑超出諸家之上然  
但作黃鍾一瑟太濶以下十一律將遂廢之乎又所謂  
中施九梁不知何法蓋於臨岳之脊爲之也非如吾東  
之暉版

石考長廣之度

通考宋朝制二絃以象天地謂之兩儀琴每絃各六柱

○又云俗部頌琴十三絃設柱如箏移柱應律○鑪案

宋中興樂志曰八音之中革爲燥濕所薄絲有絃柱緩急以此觀之凡絲皆有柱也貴與氏以琴之設柱者錄於俗部若然雅部之琴以徽當柱如吾東之法乎謬甚矣

右論柱法

樂記疏五音以絲多聲重者爲尊宮絃最大用八十一絲最濁商七十二絲角六十四絲半清半濁徵五十四絲羽四十八絲最清○鏞案五音差等之不假人巧而自具於本體之中者唯琴瑟爲然五絃之各有絲數可勝言哉後世溺於徽法以十二徽爲十二律乃以十二律爲五聲二變於是絃之大小不必差別故姜夔之瑟

二十五絃通用八十一絲唯以暉之上下分其清濁近

於尾者為宮

近龍

近於首者為羽

近臨

其聲大抵皆濁

而復有五聲哉亡琴瑟者姜法也

右論絲數

樂記云清廟之瑟朱絃而疏越○鄭曰朱絃練練則聲

濁越瑟底孔也畫疏之使聲遲也

熊氏云瑟兩頭有孔畫疏之使兩孔相連

也疏通也

書大傳云大琴練絃達越大瑟朱絃達越○鏞

案鄉飲禮大射禮皆云左何瑟內絃拊越

拊持也

鄉射禮

燕禮皆云左何瑟內絃執越可見越孔之大可以容手

不獨清廟之瑟然也今俗所謂龍池鳳池即古之越孔

而其孔窄小不可容指明與古制不同也

右論越法

今制

歷考古制審其長短之度琴唯司馬遷八尺一寸之制最合正理瑟唯通卦驗五尺七寸之制

夏日至黃鍾之瑟

似近

古法其餘紛紛不足據也蓋琴瑟雖為同類既立二名必其制有迥然不侔者若其長短皆同八尺一寸其弦數皆同二十七絃

爾雅注

而臨嶽龍齧之形聲池韻沼之

穴無一不肖則琴瑟只是一物何為而立二名乎且考

古典其絃數多少雖若參錯大抵五絃七絃者琴之正

制也十有三絃者瑟之舊文也

說見下

絃少者其清濁寡

變宜長其絃而繁其節以取首尾上下之諸聲也

首清而尾

濁

絃多者其清濁多等

若十三絃絲數各殊則有箇十三聲

宜短其絃而

簡其節以取平列巨細之諸聲也後世之法絃數既少

而其體又短

琴三尺六寸

則其聲質略促急不足以多變也

絃數既多而其體又長

瑟九尺

則其聲瑣瑣繁雜不可以

爲調也其理如是故余於琴取樂書之正度於瑟取易

緯之遺文

但於易緯又減三寸

庶亦不遠於古法也若其廣狹之

度弦多者宜廣弦少者宜狹此又理勢之所必然不待

考究而知者也

黃鍾大琴之制

用黃鍾尺

隱間長九尺

八十一寸

○自臨岳至龍齧謂之隱間

首長六寸

五十四○首有穴曰聲池亦名曰軫栝

尾長三寸

二十七○尾有穴曰鬲沼

右長九尺首尾不在計

額廣一尺三寸

一百八○額下有穴曰承露額上有穴曰居穴上彎下直如偃月

岳際廣一尺四寸

一百十七

頸廣一尺三寸

一百八○即褱中之廣

褱中長一尺

八十一○即灣屈處

肩廣一尺六寸

一百三十五○自肩至尾以漸而殺

腰廣一尺三寸

一百八○即褱中之廣

褱中長一尺

八十一○上下各一灣

尾廣一尺四寸 一百十七〇 自肩而殺來者

右廣一尺六寸出於肩

穹崇三寸

二十七〇 第七暉所安之界

旁崇二寸

十八〇 側面之崇也

右崇三寸出於中暉

臨岳崇一寸

九〇 卽絃眼之內隆起處

闊一尺

八十一

厚六分

龍齟崇二分

絃所含曰龍口聲所出曰龍脣飾龍口曰龍鬚

橫闊三寸

二十七

直闊六分

鴈柱崇三寸

二十七〇依姜夔法

上越長一尺

八十一〇今所云龍池

廣二寸

十八

下越長六寸

五十四〇今所云鴈沼

廣一寸六分

十五

右所列諸度之外其在琴面又有承露絃眼冠線龍口之制其在槽腹又有天柱地柱聲池韻沼軫池居穴之制其在琴底又有鴈掌鳳足焦尾下齟之制今不能具

述

別有著

應鍾大琴之制 用應鍾尺

隱間長九尺

得黃鍾三百九十六分六釐 〇周尺之三尺九寸

首長六寸

得黃鍾二十九分三釐

尾長三寸

得黃鍾十四分六釐

右長九尺首尾不在計

額廣一尺三寸

得黃鍾五十八分六釐

岳際廣一尺四寸

得黃鍾六十三分五釐

頸廣一尺三寸

得黃鍾五十八分六釐

纓中長一尺

得黃四十四

肩廣一尺六寸

得黃鍾七十三分三釐

腰廣一尺三寸

得黃鍾五十八分六釐

纓中長一尺

得黃鍾四十四

尾廣一尺四寸

得黃鍾六十三分五釐

右廣一尺六寸出於肩

穹崇三寸

得黃鍾十四分六釐

荀崇二寸

得黃鍾九分七釐

右崇三寸出於中暉

臨岳崇一寸

得黃鍾四分八釐

闊一尺

得黃鍾四十四

厚六分

得黃鍾三分二釐三毫

龍齧崇二分 得黃鍾一分〇七毫

橫闊三寸 得黃鍾十四分六釐

直闊六分 得黃鍾三分二釐三毫

右應鍾之琴梓人唯執應鍾之尺以出度數本無零分  
碎釐此云得黃鍾幾分幾釐者欲知其所差幾何非製  
琴之時有此零碎也太簇之琴用太簇尺大呂之琴用  
大呂尺其比例皆同

黃鍾大瑟之制 用黃鍾尺

隱間長六尺 五十四寸

首長四寸 三十六

尾長二寸

十八

右長六尺首尾不在計

額廣一尺七寸

一百四十四

岳際廣一尺八寸三分

一百五十六

頸廣一尺七寸

一百四十四

纓中長六寸

五十四

肩廣二尺二寸

一百八十

腰廣一尺七寸

一百四十四

纓中長六寸

五十四

尾廣一尺八寸三分

一百五十六

右廣二尺二寸出於肩

穹崇三寸 二十七

旁崇二寸 十八

右崇三寸與琴同

臨岳崇一寸 九

闊一尺三寸 一百八

厚六分

龍齬崇二分

橫闊四寸 三十六

直闊四分

鴈柱崇二寸

十八

上越長六寸

五十四

廣二寸六分

二十四

下越長四寸

三十六

廣二寸二分

二十

右凡屬於縱度者視琴制三分損一屬於橫度者視琴制三分益一其絃既短鴈柱宜減故視琴減一寸也

應鍾大瑟之制

用應鍾尺

隱間長六尺

得黃鍾二百六十四

首長四寸

得黃鍾十九分五釐

尾長二寸

得黃鍾九分七釐

右長六尺首尾不在計

額廣一尺七寸

得黃鍾七十八分二釐

岳際廣一尺八寸三分

得黃鍾八十四分六釐六毫

頸廣一尺七寸

得黃鍾七十八分二釐

纓中長六寸

得黃鍾二十九分三釐

肩廣二尺二寸

得黃鍾九十七分七釐

腰廣一尺七寸

得黃鍾七十八分二釐

纓中長六寸

得黃鍾二十九分三釐

尾廣一尺八寸三分

得黃鍾八十四分六釐六毫

右廣二尺二寸出於肩

穹崇三寸

得黃鍾十四分六釐

旁崇二寸

得黃鍾九分七釐

右崇三寸與琴同

右所論唯黃鍾應鍾之制其餘十律自當按此以比例也又凡中琴之長六尺則其節界長廣皆用三分二比例小琴之長三尺則其節界長廣皆用三分一比例此易知之理也唯瑟之為制其大者不過六尺故下有小瑟其長三尺當用折半之比例

六之三

止有大小二等更

無中制故明堂位有中琴而無中瑟也○且此中琴小

瑟之等未見所用但製黃鍾一律以備房中之樂未必具十二律也茲不開列

琴絃之法其見於樂記疏者但著五音之絲數而十二律大小之差仍無所別蓋以秦漢以來不知琴體大小有十二之差故但以一法徧施諸琴其聲之亂雜無倫從可知也且所謂八十一絲七十二絲者不知何物若用蠶所吐之絲則八十一絲其細如髮不足以爲絃若用女所繅之絲則繭無定數絲有大小槩用八十一絲麤豪甚矣今琴瑟之制既有十二之差其絲縷之數亦當先爲十二之差然後五絃七絃乃可以應五聲二變

不可以鹿心麕拳搏合唯意也試論應鍾之琴其短幾  
半於黃鍾之琴若以黃鍾之絃施之應鍾則其大如轆  
何以作聲此易知之理也○縹絲之初須擇繭大小輕  
重均者每取八十一繭縹出八十一絲蠶所吐以爲黃  
鍾之縹絲可織曰縹每取七十八繭縹出七十八絲以爲太  
簇之縹姑洗以下莫不皆然下至應鍾須取四十四繭  
縹出四十四絲以爲應鍾之縹縹之細大十有二等也  
於是每取八十一縹以爲宮絃七十二縹以爲商絃六  
十三以爲角絃五十四以爲徵絃四十五以爲羽絃上  
自黃鍾下至應鍾其絲數雖有多少其縹數莫不相等

此十二律比例之法也○若八十一絲以爲縷八十一  
縷以爲絃其絃猶細不足以爲黃鍾之宮則或用倍數  
或三分益二或三分益一以爲黃鍾之宮太簇以下皆  
照此比例六呂不可三分亦須比例分絲以取適中此用律之法也此  
精法也

若作七絃之琴須取七十七縷以爲少宮之弦取六十  
八縷以爲少商之弦其不以七十六爲少宮六十七爲  
少商者少宮猶有宮名宜下近宮聲少商猶有商名宜  
下近商聲若落一縷少宮嫌爲老商少商嫌爲老角不  
可然也○或曰琴之七弦乃變宮變徵若然宜取五十

縷以為變徵之弦

變宮即少宮

然琴聲貴於冲和故特於濁

音各加一弦非變徵也歷考古典多言少宮少商良以

是也

並見上

淮南子曰夫五音之數不過宮商角徵羽然五絃之琴

不可鼓也必有細大駕和而後可以成曲○琴譜絃絲

之數五正之絃皆如樂記疏所列乃變宮用四十二絲

變徵用五十六絲此是鄭譚遺法杜佑舊典謬誤之尤

甚者變徵五十六則大於正徵

五十

當為變角豈變徵

乎變宮四十二則小於羽絃

舊說四十八

當為變羽豈變宮

乎○然且五音之中亦有陰陽之別一宮

八十一

三角

十六

三五羽四十奇數也陽聲也二商七十四徵五十偶數

也陰聲也陽三而陰二者參天而兩地也其序次之數

一三五為陽實分之數八十一皆有奇偶之定算不可

以人意變通變宮之必用奇數七十而少商六十變徵

五十之必用偶數可勝言哉

其安弦之法今考琴譜施弦次第皆起自琴右第一宮

二商三角四徵五羽六變宮七變徵此大誤也凡音聲

之位以濁為下彈琴之勢以右為上宮弦之施於右豈

凡安弦起自琴左即人之襟前非天壤之易處乎今夫抱

第一宮弦八十一縷琴而坐琴頭向右則或摘

第二少宮弦

七十七縷

或掠或撈或揅大抵其勢

第三商弦

七十二縷

每向前進卽是向上之勢

第四少商弦

六十八縷  
琴之中脊

當

濁音之施於上豈不倒置

第五角弦

六十三縷

乎○或又以宮弦當中脊

第六徵弦

五十四縷

司馬遷之法

商角徵羽分施左

第七羽弦

四十五縷  
之右側

當琴

右商當右

則其清濁錯雜無

以相順今考正安弦之法開列如上○若去少商而作

變徵則第四角第五徵第六變徵

五十縷

第七羽以爲法

也其彈法起自宮弦進至羽弦又自羽弦退至宮弦使

其清濁之變有漸有序無猝高猝下之病若其曲折變

化出入起伏之妙非法之所能囿也

瑟之絃數不見經傳歷考古典唯二十五絃最多憑據  
瑟蓋二十五絃也然其絃用幾縷縷用幾絲于譜于箋  
都無明文樂工嗟至是矣余竊思之二十五絃者十三  
絃之倍數特君絃唯一故二十五耳簫之必十三管瑟  
之必十三絃抑何故也宮絃三商絃三角絃三徵絃三  
羽絃一於是乎十三也羽聲之獨一絃何也五聲大限  
起於九九終於五九四十故伶州鳩之言曰大不踰宮  
細不過羽明八十一不可踰而四十五不可過也宮絃  
八十一降三縷則七十八亦宮絃也七十八降三縷則

七十五亦宮絃也商絃七十二降三縷則六十九亦商絃也六十九降三縷則六十六亦商絃也角徵亦然各具三絃於是乎十二也羽絃唯一不能復減若減則過羽於是乎十三也簫管之十有三亦此一法其倍之爲二十五絃者何也諸絃各具二條分施左右見下唯正宮絃八十一縷有一無二以當中央君不可有二也

然所謂二十五絃必是後世之法先王之音不若是靡靡也後漢書律歷志云準之狀如瑟其絃十三則瑟故十三絃矣後世箏絃十三

隋書樂志云箏十三絃李商隱詩云十三絃柱厲行斜

第十三	羽絃四十五	第八	少角絃六十	第七	角絃六十三	第六	清商絃六十六	第五	少商絃六十九	第四	商絃七十二	第三	清宮絃七十五	第二	少宮絃七十八	第一	宮絃八十一	十三	絃之名
第十二	清徵絃四十八	第十一	少徵絃五十一	第十	徵絃五十四	第九	清角絃五十七	第八	少角絃六十	第七	角絃六十三	第六	清商絃六十六	第五	少商絃六十九	第四	商絃七十二	第三	清宮絃七十五

其設柱之法十三絃柱自下而上皆次次斜向右則羽

徵皆急商宮皆慢也

其五聲界限詳見末篇

後世瑟絃之數雖如

古法每以十二絃二十四絃配之於十二律此大亂之

蓋亦倣瑟而為之者今擬

瑟以十三絃為古制○其

安絃之法宜亦下宮而上

羽今開列如上

其云少宮清宮者姑

借古名權作絃號非謂古之所謂少宮清宮必是此

法覽者詳之

道也經曰奏黃鍾歌大呂奏姑洗歌中呂若如後世之法則歌大呂者唯用大呂之絃歌中呂者唯用中呂之絃有是理乎絃所應者五聲而已五聲相用六律不相用也

琴譜云琴暉圍徑三分

其中暉別用美玉

○其設暉之法琴之

五絃者九暉七絃者十一暉九絃者十三暉

詳末篇

瑟絃

雖多其暉單五也絃少而長者其分節繁絃多而短者

其分節簡亦自然之理也琴暉則臨岳之下除二尺

百六

十二分龍齧之上除一尺

八十分

中央六尺以安九暉

或十三

瑟暉則臨岳之下除一尺三寸

百八分

龍齧之上除六寸

五十中央四尺以安五暉也

詳末篇

此是大約若彈按不

便則宜益除首尾不必拘也

與猶堂集卷之百十六

泐水 丁鏞 著

樂書孤存 十一

查十二笙之制

笙師掌教敎竽笙

周禮春官

鄭衆云竽三十六簧笙十三簧○賈曰衆通卦驗竽長

四尺二寸

禮圖亦云

廣雅云笙十三管宮管在左方竽三十

六管宮管在中央○五經析疑云笙長四尺大者十九

簧謂之巢小者十三簧謂之和○鏞案歷考諸文其言

十三簧者最多笙蓋十三簧也其或言十九簧者以兩

雅有大笙小笙之文故後人妄增六管以爲大笙耳長

四尺者三十六寸也

四九三  
十六

宮管特長餘皆參差也

爾雅曰大笙謂之巢小者謂之和○郭云大者十九簧  
小者十三簧鄉射記曰三笙一和而成聲○說文曰其  
簧十二以應十二律也其一以象閏也○鏞案巢者竽  
之類也和者別是小制恐未必具十二律之差等也竽  
制未詳今闕之○又按聖人之製律也斷於十二本無  
閏律故典同章云凡爲樂器皆以十二爲之數度矣獨  
於笙忽增一管以象閏月哉大凡律呂之差已稟於先  
天以受其形故體之大小視律高下若其絃數管數徹

數孔數皆以五聲之故或多或少今乃以十有二簧應  
十有二律不亦晚乎經曰歌大呂以祀天神歌應鍾以  
祭地示歌夾鍾以享先祖

大司樂

明十有二律所用各異

若如先儒之說一管應一律則方其歌大呂之時惟吹  
大呂一簧方其歌應鍾之時惟吹應鍾一簧其何以葉  
葉風生如鼓巧舌乎況閏月一簧既無閏律終古啞閉  
而已聖人何爲而立此管乎十三簧者宮管三商管三  
角管三徵管三羽管一如瑟絃之有十三也

上法見

豈有

他哉

陳暘曰阮逸謂竽笙起第四管爲黃鍾巢笙起中音管

爲黃鍾和笙起平調爲黃鍾各十九簧皆有四清聲三濁聲十二正聲節既已謂之竽矣謂之笙矣安得合而一之爲竽笙耶○通考云今巢笙之制第一管頭子應鍾清聲第二管二中音黃鍾正聲應中音子三第三管應鍾正聲應頭子四第四管南呂正聲應第五子今刪之○鏞案琴之絃數管之管數以應五聲非應六律也六律者樂器之先天也

**通考**後周鄭譯獻新樂十二月各一笙每笙十六管宣帝令與斛斯證議證駁之曰六律十二管還相爲宮然一笙十六管總一百九十二管既無相生之理又無還

宮之義淡恐鄭聲亂樂未合古制切謂不可帝納之停  
譯所獻其制今亡○鏞案鄭譯作十有二笙以應十有  
二律此千古獨得之見淡合典同之文但其爲十六管  
者欲於十二律又加以四清聲如編鍾編磬之各贅四  
枚也耳目膠固無怪沿襲然旣以十有二體應律呂於  
先天又何以十有二管應律呂於後天乎惜乎其制之  
未純也雖然斛斯謚妄人也瑟有十二所不可誣一瑟  
二十五絃十二瑟總三百絃旣無相生之理又無還宮  
之義斛君將並以是爲鄭聲乎

今制

十有二笙各有劑量則其匏之圓徑竹之圓徑宜各有  
差然古制都亡無可憑據今姑闕之惟就十三管姑依  
先儒四尺之說差其長短開列如左

黃鍾笙之制

宮第一管準黃鍾四尺

三百二十四

第二管三尺七寸六分

三百十二

第三管三尺六寸三分

三百

商第一管三尺五寸

二百八十八

第二管三尺三寸六分

二百七十六

第三管三尺二寸三分 二百六十四

角第一管三尺一寸 二百五十二

第二管二尺八寸六分 二百四十

第三管二尺七寸三分 二百二十八

徵第一管二尺六寸 二百十六

第二管二尺四寸六分 二百四

第三管二尺三寸三分 一百九十二

羽一管二尺二寸 一百八十

應鍾笙之制

宮第一管準應鍾四尺 得黃鍾一百七十六分

第二管三尺七寸六分

第三管三尺六寸三分

商第一管三尺五寸  
得黃鍾一百五十六分四釐

第二管三尺三寸六分

第三管三尺二寸三分

角第一管三尺一寸  
得黃鍾一百三十六分八釐

第二管二尺八寸六分

第三管二尺七寸三分

徵第一管二尺六寸  
得黃鍾一百十七分三釐

第二管二尺四寸六分

第三管二尺三寸三分

羽一管二尺二寸

得黃鍾九十七分七釐

大呂至無射十律之笙皆照此例

其安管之法總有三部短者居中長者居外如鳳舒翼

此一法也

毛詩樂器圖

長者居中短者居外

賈疏云宮管在中央

如鳳

斂翼此一法也

尚書樂器圖

長者在左以次差短

賈疏云宮管在左

如鴈隨肩此一法也廣雅以第三法爲十三管之定例

似可遵也

查十二簫之制

笙師掌教敎簫簫篴簫管

周禮春官

世本曰簫舜所造其形參差象鳳翼長二尺○爾雅曰

大簫謂之箏

郭云編二十三管長尺四寸

小者謂之箴

郭云十六管長尺二寸簫

一名籟

○通卦驗云簫長尺四寸○風俗通云舜作簫其

形參差以象鳳翼十管長二尺○蔡邕云簫編竹有底

大者二十三管小者十六管長則濁短則清以蜜蠟實

其底而增減之○博雅云簫大者無底小者有底○廣

樂記云短簫有二十一管○禮圖云雅簫尺二寸二十

四彊頌簫尺四寸十六彊今教坊所用長五六寸○通

考云舜作十管簫長尺有二寸風俗通疑有所本或以三尺言之無乃太長乎○又云景祐樂記教坊所用之簫凡十七管○鑪案簫之管數諸說各異皆是臆定非經制也

通考景祐樂記十三管之簫凡三種鼓吹部用之○鑪案笙簫二物皆其形參差以象鳳翼其管數宜亦相同特其諸管視笙差短以木爲底不用匏爲異今擬簫管從景祐之制亦以十三管爲正其長從世本姑以二尺出度

若用尺二寸之制則準黃鍾一尺三寸以爲宮管

其安管之法宜象鳳翼

今略之

今制

管圍大小今無可考惟廣雅云管象簫長尺八圍寸八

見通考

尺八者黃鍾二尺也

通考云簫管或謂之尺八管或謂之豎笛尺八其長數也

寸八者黃鍾二寸也苟如是也十二律之簫管皆當準本律二寸以爲之圍

黃鍾簫之制

宮第一管準黃鍾二尺

百六十二〇宮之本數八十一

第二管一尺八寸三分

百五十六

第三管一尺七寸六分

百五十

商第一管一尺七寸

百四十四〇商之本數七十二

第二管一尺六寸三分 百三十八

第三管一尺五寸六分 百三十二

角第一管一尺五寸 百二十六 ○角之本數六十三

第二管一尺四寸三分 百二十

第三管一尺三寸六分 百十四

徵第一管一尺三寸 百八 ○徵之本數五十四

第二管一尺二寸三分 百二

第三管一尺一寸六分 九十六

羽一管一尺一寸 九十 ○羽之本數四十五

太簇以下十一律各以本律出度皆照此例

查十二笛之制

周禮笙師註杜子春云遂今時所吹五孔竹遂○應劭

風俗通云丘仲造笛長尺四寸七孔

丘仲漢武帝時人

○陳暘

云漢部所用雅笛七竅不知去二變以全五聲之正也

蔡邕曰形長尺圍寸無底有穴今亡大抵管笛一法爾

唐制尺八取倍黃鍾九寸為律得其正也○又曰漢丘

仲以後一穴為商音晉荀勗笛法以後一穴為角○通

考云和峴手笛之制如雅笛而小其長九寸與黃鍾律

管等矣其孔有六

又云劉和之東箱長笛四尺二寸今樂府所用短笛長尺有咫

又云

豎笛六孔竒一孔加竹膜焉○鏞案陳氏每欲力去二

變蓋以先儒所論變宮變徵義例啗戾也然歷考古法其於絲竹二音多用變聲瑟之有十三絃笙之有十三管琴之有七絃笛之有七孔皆變聲之所須也何得盡斥爲不正乎然且笛之孔數以應五聲非應六律六律者樂器之先天也六孔何爲○又按笛長尺八亦恐太短若然應鍾之笛不過如今之箴箴恐未允也

陳氏樂書漢蔡邕推五聲十二律還相爲宮之法制十有二笛故黃鍾之笛正聲應黃鍾下徵應林鍾長二尺八寸四分四釐有奇正聲調法黃鍾爲宮應鍾爲變宮南呂爲羽林鍾爲徵蕤賓爲變徵姑洗爲角太簇爲商

○又曰晉荀勗作律笛十二以正雅樂元嘉中鍾宗之

減四律之笛減之又至梁武帝又制十二笛寫四通聲

○鑪案蔡荀梁武帝等所作尺寸各殊今表列如左

十二笛表下徵所應蔡邕之制

梁武之制

黃鍾之笛應林鍾長二尺八寸四分有四釐長三尺八寸

大呂之笛應夷則長二尺六寸六分有三釐長三尺六寸

太簇之笛應南呂長二尺五寸三分有奇長三尺四寸

夾鍾之笛應蕤賓長二尺四寸長三尺二寸

姑洗之笛應應鍾長二尺二寸三分有三釐有奇長三尺一寸

中呂之笛應黃鍾長二尺寸有奇長二尺九寸

蕤賓之笛應大呂長三尺九寸九分有五釐有奇長二尺八寸

林鍾之笛應太簇長三尺七寸九分有七釐有奇長二尺七寸

夷則之笛應夾鍾長三尺六寸長二尺六寸

南呂之笛應姑洗長三尺寸有六釐長二尺五寸

無射之笛應中呂長三尺二寸長二尺四寸

應鍾之笛應蕤賓長三尺九寸九分有六釐有奇長二尺三寸

右所云下徵應某律者謂宮生徵也宮生徵徵生商商

生羽羽生角此乃十二律還宮之法見第四卷一二題此獨言

下徵應某律者舉一以見其三也嗟乎既作十有二笛

以具十有二律則一笛一律沛然洒然塵穢頓清但當

於此文之以五聲而已六律六呂何不浩然忘之十二律還宮之法乃亡樂之大擘觸處迷罔有如是矣○又按蔡邕長短之度絕無義理錯亂乖迂不可為典抑恐傳寫有誤至於梁武帝之法黃鍾最長以次差短雖若順理其所差多寡又各不同亦與所謂三分損益之法不相符合總由古經既亡律例無傳暗中摸搦人自為法無怪其如是也

荀勗本法	黃鍾之笛	太簇之笛
鍾宗之減法	三尺八寸	三尺五寸
奚縱又減法	三尺七寸	三尺三寸
	三尺三寸七分	三尺二寸六分

姑洗之笛

三尺三寸

二尺九寸七分

二尺九寸二分

蕤賓之笛

二尺九寸

二尺六寸

二尺五寸八分

右四律之笛屢經減下其餘八笛無所損益一仍蔡邕

之制而已

見通考

○鑄案以荀勗等所定四律齒之於蔡

邕之法亦不成比例總之荒蕪雜亂不可以究詰者也

唐書呂才傳

貞觀時祖孝孫增損樂律太宗詔侍臣舉

善音者王珪魏徵盛稱才製尺八凡十二枚長短不同

與律諧契太宗召才參論樂

通考云尺八之所出見於此無由曉其形製也

○

洪邁容齋隨筆曰開元末有一狂僧進尺八笛於玄宗

又仙隱傳房介然善吹笛名曰尺八將死打破令入壙

○鏞案呂才所製亦蔡邕

梁武帝之遺法不足奇也但尺八者十二枚則先製律尺十二每律準本律二尺可知也天下至廣古今悠久竭天下之聰明聚古今之才識其肩輿之幾乎道如是然製律之初不能脫三分損益之謬套則所謂尺八之管皆雜亂之物又何足抱之爲稀世之寶乎惜哉

### 今制

十有二笛各有劑量則其竹之圓徑孔之圓徑宜各有差然古制都亡無可憑據爾雅注云箎圍三寸管圍一寸廣雅云簫圍寸八而笛之圓圍先儒不言唯蔡邕謂

之圍寸不可據依一圍者繞也繞一寸太小然假令身圍二寸則十

二律笛各依本律取二寸至於長短之度參酌諸文宜

以三尺為準即長笛茲開列于左若以短笛為是則宜準二尺

黃鍾之笛準黃鍾三尺得周尺二尺四寸三分

大呂之笛準大呂三尺得黃鍾一百六十二

太簇之笛準太簇三尺得黃鍾二百三十四

夾鍾之笛準夾鍾三尺得黃鍾一百五十六

姑洗之笛準姑洗三尺得黃鍾二百二十五

中呂之笛準中呂三尺得黃鍾一百五十

蕤賓之笛準蕤賓三尺得黃鍾二百十六

林鍾之笛準林鍾三尺 得黃鍾一百四十四

夷則之笛準夷則三尺 得黃鍾二百七

小呂之笛準小呂三尺 得黃鍾一百三十八

無射之笛準無射三尺 得黃鍾一百九十八

應鍾之笛準應鍾三尺 得黃鍾一百三十二

凡簫與箎管之制皆須照此出度今不具論

訂八音不可與八卦配合

〔白虎通〕壘坎音也管艮音也鼓震音也絃離音也鍾兌音也柷啟乾音也○晉書樂志云乾之音石坎之音革艮之音匏震之音竹巽之音木離之音絲坤之音土兌

之音金

陳氏樂書從音書

○鑄案八卦八音不必配合然且說

卦物象與為絲繩離為鼗鼓艮坎為石今也苟以私意分配強合可乎此等雜說皆無益於聲音之道而徒為實理之蔽障也

訂五聲不可與五行配合

月令春其音角夏其音徵中壘其音宮秋其音商冬其音羽○史記樂書云聞商音使人方正而好義聞角音使人惻隱而愛人

今刪之

○白虎通云聞宮聲者莫不溫

潤而寬和

土德信

聞商聲者莫不剛斷而立事

金德義

聞角

聲者莫不惻隱而慈愛

木德仁

聞徵聲者莫不喜養而好

施

火德禮

聞羽聲者莫不深思而遠慮

水德智

○鑄案天地

之間萬物紛興性情各殊規制不侔或其數目偶同不  
必配合鄒呂以來凡天地萬物之或五或四者悉以配  
之於五行其皆合於理乎五音宮居首五行土居中其  
不合一也五音層層累上故下大上小五行濟濟平列  
故德力相醜其不合二也五音宮商角徵羽不可移易  
若配五行角徵宮商羽次序顛錯其不合三也雖以其  
法言之五音宮生徵五行火生土相反者也五音徵生  
商五行土生金相乖者也五音稟生於宮聲五行循環  
以相生左絜右度無一義之妙合而強使之配合可乎

五聲之配於五行尚未論定而聞角聲者感東方木德之仁遽發惻隱之心非怪事乎此等雜說皆實理之大藪也

史記樂書宮動脾商動肺角動肝徵動心羽動腎○陳

氏五聲論云聲出于脾合口而通之謂之宮其聲最濁重以舒

聲出于肺張口而吐之謂之商其聲次濁明以敏聲出于肝而

張齒湧吻謂之角其聲半濁半清防以約聲出于心而齒合吻開

謂之徵其聲次清泛以疾聲出于腎而齒開吻聚謂之羽其聲最清

微以虛○鑄案既已配之於五行矣凡五行所配咸可以

配五聲矣但五臟然矣角鱗徵羽即羽角酸徵苦角羶

徵焦角蒼徵亦無所不可但究得此理不足以吹一竹  
彈一絲亦何益之有然且聲出乎氣而肺爲氣臟故凡  
人聲皆出於肺此夫夫之所知也聲出乎肝脾心腎有  
是理乎暫配五行謂無濫害至竟以配五臟君子謹微  
非爲是乎於是盡取天下人之姓氏配之于五聲盡取  
天下書之文字配之于五聲則于爲樂之理其害茲巨  
此鄙不清卽宮調商調亦無地可立矣

**陳氏樂書**云宮近土壙商近金石角近草木徵近絃鼗  
羽近匏竹○鏞案以八配五豈有合理此皆蔽障之學  
識者所賤也

訂五聲不可以配君臣事物

樂記

宮爲君商爲臣角爲民徵爲事羽爲物

五音不亂則無怙慝

之音

宮亂則荒其君驕商亂則陂其臣壞角亂則憂其

民怨徵亂則哀其事勤羽亂則危其財匱○鑄案樂記

出於漢儒

河間獻王與毛生等米周官及諸子作樂記

其言或粹或駁未可

盡信夫君臣民三者吾人貴賤之等事物二者非其倫

也安得序列爲五以配五聲且一均之樂五音繁會宮

亂角治商亂羽治亦無是理又安得偏執其一以驗祆

祥唯琴瑟笙簫其宮絃宮管若有君象然君一而臣百

又不空各占一位也

爾雅宮謂之重商謂之敏角謂之經徵謂之迭羽謂之

柳郭云皆五音之別名其義未詳○鑪案宮商角徵本無字義上古以

其諧聲命之為五聲之名與字母家之見溪羣疑笛色

家之四上尺工無以異也重敏經迭亦是五音之諧聲

不可求之於字義也

律歷志宮者中也商者章也角者觸也徵者祉也羽者

宇也本是劉歆鍾律論○鑪案此亦諧聲也其下繼言字義則

穿鑿傳會失其本旨今刪之

訂管子牛羊雉豕之鳴非五聲之實模

管子地員篇瀆田五施大尺曰施長七尺呼音中角赤壚四施

呼音中商黃唐三施呼音中宮斥埴再施呼音中羽黑  
埴一施呼音中徵○又曰凡聽徵如負豬豕覺而駭凡  
聽羽如鳴馬在野凡聽宮如牛鳴笳中凡聽商如離羣  
羊凡聽角如雉登木以鳴音疾以清○鑪案管子之法  
徵聲最濁羽次之宮居中

見第三卷  
第三題

故徵聲如縛豬之

吼羽聲如逸馬之鳴而宮聲僅如笳牛其五聲高下之  
位居可知也今人皆以宮聲最濁徵羽爲清則其五聲  
高下之位正與管子悉乖反乃其談及五聲形容其  
音則牛鳴笳雉登木津津爲說以爲畫出其聲不亦拗  
乎以鼠爲璞誇爲韞櫝之珍以羊易牛疑有服箱之力

不亦愚乎然且殺豬之聲不可以為樂作管子者欲於

宮聲之先置此粗濁本是謬見何足據也夫宮聲者中

聲也聖人自中聲而取之以為五聲非謂宮聲上下各

有二聲也

義見前

○又按呼音之中某律者謂土厚水淺

之地人聲輕清土薄水淺之地人聲重濁也究何必然

五施者三十五尺至於泉也

**白虎通**

宮為含容商為開張角為駭躍徵為止息羽為

依紆○鑪案五聲者高下之位也輕重之差也大小之

等也清濁之級也五聲者繫為五層非平列為五種也

今也形容五聲各有一種氣味審如是也五聲之有定

數何也夫含容開張依紆駭躍樂聲之所以流動圓滑也若宮調但主含容角調但主駭躍聽是樂者亦何味之有今有琴師於此或剔或擗或禪或璫或齧或彈或摘或盛臙或掉擲進退抑揚惟其所爲而但其聲調或下而緩以爲宮聲或高而急以爲羽聲則琴師之良也苟使之恆擘以爲商恆齧以爲角壹於是而不能變則觀是場者未有不欠伸揜屨指之爲賤琴師也

陸氏宮譜云宮音函宏商音春融角音駿發徵音皦潔羽音蜚越○鏞案此亦白虎通之遺義而稍加變通者也五聲當作五層看若別之爲五種無以爲樂矣

朱子聲律辨云五聲之序宮最大而沈濁羽最細而輕清商之大次宮徵之細次羽而角居四者之中○鏞案朱子之言如此其論定矣尚有他說乎

訂字音之喉齶舌齒唇不可以配五聲

南史陸厥傳吳興沈約汝南周顒善識聲韻約等文皆

用宮商將平上去入四聲以此制韻五字之中音韻悉

異兩句之內角徵不同不可增減世呼為永明體又周顒傳

云顒始著四聲切韻行于時

○梅膺祚云韻學自沈約始而釋神珙

繼以等韻列為三十六母分為平仄四聲

夢溪筆談云今切韻之法

先類其字各歸其母唇音舌音各八牙音喉音各四齒音十半齒半舌音二凡三十六分為五音天下之聲總

於是

○梅氏韻法圖云公韻屬宮音本皆喉音

今東

岡

韻屬商音本皆齒音

今陽

駟韻屬角音本皆牙音

今蕭

基韻屬徵音本皆舌音

今支

居韻屬羽音本皆脣音

今魚

韻

○毛氏樂錄云隋韻二百六部唐韻併作一百六部

而核之古韻之通用只得五部五部者宮商角徵羽也

舊定五聲者每以喉齔舌齒脣為宮商角徵羽之準定

韻亦然第一宮部為喉音今韻中東冬江陽庚青蒸七

韻是也

七韻中字每讀訖必返喉而翕于鼻唱曲家呼為鼻音每唱此七韻中字必收以捉鼻之音以

返喉即

第二商部為齔音今韻中真文元寒刪先六韻

是也

六韻中字每讀訖必以下舌舐上齔唱曲家呼為思痕音以抵齔則其收聲在思痕之間也

至

角部舌音則為魚虞蕭肴豪歌麻尤

八韻中字每讀字唱字訖必懸舌居

中徵部齒音則為支微齊佳灰

五韻中字每讀字唱字訖必以舌擠齒

羽

部唇音則為侵覃鹽咸

四韻中字每讀字唱字訖必兩唇相闔歌曲家呼為閉口音

自詩易詞賦歌頌銘誄謠諺諸古人有韻文字無不限

此五部作通用之法此真五聲之秘千古未發者○又

曰宋儒如房范胡阮輩爭論律呂至于押調有云宮商

在字音當以喉齶舌齒唇字音定聲夫喉為宮音齶為

商音字音固然若以入樂則歌宮調者焉能集全喉之

字而彙于一宮若謂一宮之字不能盡同但以首字為

主則一聲乍發而衆聲環轉合以成曲豈有首聲入調

而衆聲可以不顧之理○鏞案宮商角徵羽者層層累上之五位也公岡驕基居者濟濟平列之五部也豈可以宮字所隸盡屬宮聲商字所隸盡屬宮聲乎樂聲圓滑而不定故只一公字入於宮調則爲宮聲入於羽調則爲羽調字聲膠黏而不易借如岡字一隸平聲不得爲上聲不得爲去聲安得以字聲繫之於樂聲使樂聲被其拘繫不得圓滑以變化乎沈約以四聲分配五音本屬非理然以之作詩仍可自成一格若以之爲樂則大不通矣况梅氏以喉齒牙舌脣爲宮商角徵羽毛氏以喉齶舌齒脣爲宮商角徵羽又何其相變耶大凡一

字不可專屬於喉音亦不可專屬於舌音只一宮字聲出於喉轉於舌而於齶束於脣而後其音乃成豈惟宮字然矣四者相須乃成其聲則諸字皆然而字家韻家於喉舌脣齶之中執其用力差重者第以其字或隸喉音或隸齒音其實喉舌脣齶闕一則不得成聲故喉痺者不得出聲舌斷者不得轉聲齶破者不得面聲脣缺者不得成聲惟牙齒隕落者其字音雖有疎漏不至大妨雖無牙齒而能讀牙音齒音諸字令人可辨以此言之牙齒之於音聲其功差劣也今以喉舌脣齶所共成之聲而武斷豪制歸之一偏曰此喉音彼舌音此齶音

彼唇音既屬未穩又從而分而部之曰喉音屬宮舌音

屬商齒音屬角齒音屬徵不亦殆且病矣乎然且字音

有初聲終聲梅氏毛氏專以終聲分之為喉舌齒唇乃

字母家切韻之法專以初聲分屬諸部故見溪羣疑謂

之牙音端透定泥謂之舌音舌頭音幫滂並明謂之唇音

重唇音照穿狀審謂之齒音影曉喻匣謂之喉音又知徹

舌上音非敷奉微為輕唇音精清從心為文字者不亦

難乎字母之家挈之以初聲歸之於宮商韻學之家挈

之以終聲歸之於徵羽笑啼俱難去留兩礙將奈何哉

梅氏之書又於喉音之中再分舌唇謂之宮之徵宮之

羽於牙音之中再分齒喉謂之宮之商宮之角又有所

謂宮之半徵宮之半商宮之羽商

風馮等

商之羽商

方房等

轉輾糾繞無所分劈左撻右裂焚然淆亂誠以喉舌同

功脣齧并力兩不相捨靡所底定故不得不如是耳若

是者奈何用於宮調則疑於商用於商調則疑於宮雖

才如周公何以作樂歌一章哉字音自字音原與樂家

之五聲不相涉也平上去入皆可以為宮商喉舌脣齧

皆可以為徵羽彼欲部分而膠定者樂家之大鄙也

毛云庾信樂章有五聲歌曲唐初樂錄有五聲祀五帝

歌其于宮調首句如氣離清濁

此庾信宮調曲

眇眇方輿

此唐初宮

曲調氣字眇字未嘗爲宮音也○又云雖宮字而入商調  
卽爲商聲雖商字而入宮調卽爲宮聲○鑄案毛氏堅  
以字音分屬五聲及論歌曲宮商之轉則又力破其義  
豈不矛盾乎哉同此文字同此八聲作詩切韻則五聲  
分明登歌合樂則五聲通用天下有此理乎歌也者歌  
此詩也詩中之字五聲派分歌中之字五聲圓轉豈詩  
歌非一物乎字音之分隸五聲本非合理之學也

訂五聲之調或七或九不可多至於二十八

宋中興四朝樂志叙曰宮商羽角四聲共二十八調其  
宮聲七調曰正宮曰高宮出曰中呂宮曰道宮曰南呂

宮曰仙呂宮曰黃鍾宮皆生於黃鍾標出字者商聲七

調曰大石調曰高大石調出曰小石調曰揭指調曰雙

調商曰越調曰林鍾商皆生於太簇羽聲七調曰般涉

調曰高般涉調出曰中呂調曰平正調曰南呂調曰仙

呂調曰黃鍾調皆生於南呂角聲七調曰大食角出曰

高大食角出曰雙角出曰小石角出曰揭指角出曰商

角一作林鍾角曰越角出皆生於應鍾已上出調不用者十

是十八○陳暘云宮調胡名婆陀力調即道商調胡名

大乞食調即越角調胡名涉折調又名阿徵調胡名多

婆臘調羽調胡名般涉調即平變宮調胡名阿詭調

鋪案上古五聲而已加二變則七聲而已加四清則九聲而已九聲之外何以立調惟瑟有十三絃笙有十三管則四清之外又加四少

四少卽四清今姑分言

此所謂匏竹利

制若以絲竹之故立調十三則金石諸音無以細剖如此何以諧協乎乃後世之法堅以六律壓作五聲而又加以十二還宮之謬法制律增調惟意所欲故唐宋樂調多至四七雜亂荒戾無復紀律而其曲折長短今無可考要之古樂影響不可以此而求之也○又按周樂皆文之以五聲惟二至奏樂偶去商聲唐宋之樂不知意味強欲效顰推五行生克之運去徵聲而不用故樂

志無徵調也所用十八調共有四十大曲

見通考

曲者詩

之一篇如周南之十一篇召南之十四篇

與猶堂集卷之百十七

泐水 丁鏞 著

樂書孤存 十二

訂五聲之別不過乎絲竹金石

國語伶州鳩曰臣聞之琴瑟尚宮

韋云凡樂輕者從大重者從細

鍾尚

羽

鍾聲大

石尚角

角清濁之中

匏竹利制

以聲音調利為制無所尚也

大不

踰宮細不過羽夫宮音之主也第以及羽聖人保樂而

愛財財以備器樂以殖財故樂器重者從細輕者從大

是以金尚羽石尚角瓦絲尚宮匏竹尚議草木一聲夫

政象樂樂從和和從平

平細大不踰

聲以龠樂律以平聲金

石以動之

韋云鍾石所以動發五聲

絲竹以行之詩以道之歌以詠

之匏以宣之瓦以贊之

韋云贊助也

革木以節之節

今細過

其主妨於正

韋云謂無射細

用物過度妨於財細抑大陵不容

於耳非龠也

○鑪案樂雖八音其可以細剖音節以別

五聲者絲竹而已其次金石其餘不足議也匏雖有笙

未嘗非竹也土雖有壎唯以助聲也革木一聲本無五

音其度數限節無可分也然且金石爲物所以興動振

作而已惟笙鍾頌鍾笙磬頌磬乃與詩歌合聲此皆編

鍾編磬據儀禮則頌鍾似乎特鍾頌磬似乎特磬然左

傳鄭人以歌鍾二肆賂晉侯

襄十

歌鍾者頌鍾也二肆

者編列也。頌鍾非編鍾乎？○又按細過其主者，謂鍾本尚羽，是尚細之音也。今無射有林，則其中聲過於宮聲。此之謂細過其主也。韋以無射爲細失之遠矣。

訂絲聲經緯絃徽各取五聲以盡五聲之妙用

樂記 昔者舜作五絃之琴以歌南風○晉書孫登傳云

登撫七絃琴

五絃加少宮少商

○古今注云蔡邕益琴爲九絃

蔡邕琴賦云間闌九絃出入

律呂屈伸低昂十指如雨

○鋪案琴徽之法五絃則

九徽七絃則十一徽九絃則十三徽諸葛亮以十三徽爲定制者當時琴制悉遵蔡邕之法爲九絃故也五絃之爲九徽何也聲音之妙極於琴瑟五聲之中又有五

聲絃以爲經一五聲也徽以爲緯一五聲也然其設柱

之法大絃欲緩

立柱遠

小絃欲急

立柱近於嶽

故斜如鴈行不

得平列

李商隱詩云十三絃柱鴈行斜

五絃之宮各差一位各占一徽

己五徽矣於是五絃之商各差一位五絃之角徵羽亦

皆如此須有九徽然後五絃各具一五聲此不易之真


法也

如下圖假有琴師取清廟之詩彈作宮調則其第一宮

絃之柱立於甲點第二商絃之柱立於乙點角絃之柱

立於丙點徵絃之柱立於丁點羽絃之柱立於戊點於

是五柱相次斜如鴈行上應子丑寅卯辰五徽所謂五




聲又五聲也○又如琴師取維  
 清之詩彈作商調則第一宮絃  
 之柱立於乙界上應丑徵商角  
 徵羽差次一位皆如上法○又  
 如琴師取烈文之詩彈作羽調  
 則其第一宮絃之柱立於乙點  
 第二商絃之柱立於庚點角絃  
 之柱立於辛點徵絃之柱立於  
 壬點羽絃之柱立於癸點於是  
 五柱相次斜如鴈行上應辰巳

宮商角徵羽

子丑寅卯辰巳午未申

○○○○○

羽徵角商宮



午未申五徽所謂五聲又五聲

也○若是者何也樂貴該備宮

調獨彈宮絃羽調獨彈羽絃無

是理也若五絃雜彈漫無界限

亦何以曰宮調曰羽調乎宮絃

立柱於子徽之界則宮之宮也

立柱於丑徽之界則宮之商也

皆然角徵羽商絃立柱於丑徽之界

則商之宮也立柱於寅徽之界

則商之商也皆然角徵羽角絃徵絃


宮商角徵羽

子丑寅卯辰巳午未申

○○○○○●○○○○


琴瑟調音

每以禕聲之初起處爲之本宮  
至於羽絃立柱於辰徵之界則  
羽之宮也立柱於巳徵之界則  
羽之商也歷角歷徵其例皆然  
立柱於申徵之界則羽之羽也  
五絃之必九徵不亦宜乎○今  
詳禕度宮之商卽商之宮宮之  
羽卽羽之宮也是故琴師一彈  
宮調則五聲之絃皆以宮聲應  
之琴師一彈羽調則五聲之絃




皆以羽聲應之雖五聲迭奏諸絃雜彈而宮調不越乎宮聲羽調不越乎羽聲撫之抑之摘之擗之縱橫出入曲折變化惟意之所欲爲而商不混宮角不疑徵極聲音之妙而尺寸之不相踰如此經緯絃徽之出於聖人之手可勝言哉

又如上圖若作七絃之琴其徽十一也琴師若彈宮調則第一



宮少商本是間聲故其柱亦立



於兩界之間也○琴師若彈少

宮則第一宮絃之柱立於己點

上應第三商絃之柱立於庚點

上應而少宮之柱立於己庚之

間圖不在第五角絃之柱立於辛


點上應而少商之柱立於庚辛

之間圖不在徵羽二絃之柱立於


壬癸之點於是乎七聲也○商

調以下至於羽調其七絃立柱

之法皆照此例今不煩說



又如上圖若作九絃之琴其徽  
 十三也其五聲正絃之柱立於  
 甲乙丙丁戊五點之上皆各間一絃  
 以應子丑寅卯辰五徽之標越下  
 界其四清少絃之柱各立於兩  
 界之間其柱點不在圖中蓋以四清本  
 是間聲故其柱亦立於兩界之  
 間也○琴師若彈少商之調則  
 第一宮絃之柱立於己點上應卯  
 第三商絃之柱立於庚點上應辰



已上  
應

中上應

午上應


兩界

不在圖

法皆

爲限

於五



又如上圖若作十三絃之瑟其  
 徵宜作十七然徵數太多雖月  
 下明瑩而察視更難今擬瑟徵  
 只作五顆標之以宮商角徵羽  
 每一徵各領三柱至於羽徵或  
 領五柱調羽亦可彈也

訂竹聲以其孔穴應五聲又有開闔全半之妙用

**通考**

今太常笛從下而上一穴太簇半竅為大呂次上

一穴為姑洗半竅為夾鍾次上一穴為仲呂次上一穴

為林鍾半穴為蕤賓次上一穴為南呂半穴為夷則

為應鍾謂用黃鍾清與仲呂雙發為變聲半竅為無射後一穴為黃鍾清中管起應乃首為

宮其次上穴大呂為商又次上穴夾鍾為角又次上穴

仲呂為變徵又次上穴蕤賓為正徵又次上穴夷則為

羽變宮為無射謂後穴與第三穴雙變是也

如此即不用半竅謂之十二律用兩笛成曲也今按習所具

以太常半竅法起間聲亦叶律施用 ○ 鑪案太常笛

譜忽取鄭譯以來六十調中無射之宮黃鍾變半

呂見律新

書無射之宮為之起調此蓋以笛之最下大穴為無射之宮

宮後一穴為黃鍾清高太簇變半角姑洗變半徵仲呂

半聲徵林鍾變半羽南呂變半宮以備七聲而又以半

竅雜取四聲強名之曰大呂夾鍾蕤賓夷則此無法之

最甚者其下一法又忽取六十調中應鍾之宮以為笛

家之定聲見律呂新書抑何義也鄒呂以來六律五聲混為

一物故其調至於六十其變至於八十四樂家於此不


能盡用故每取黃鍾一均以備七聲棄其餘五謂之啞

鍾則吾聞之矣上棄十律忽取無射應鍾變半破碎之

物以為笛家之定聲不亦拗乎原夫吹笛之法不問五

孔七孔或啓或合或全起或半起或猛吹或徐吹其聲  
調之變倏忽圓滑不可摸捉以之別五聲而分七音猶  
懼不給況以十二律之正聲半聲混雜爲說隨意指名  
非欺人之言乎

笛之爲聲凡五孔全塞者濁而長多通者清而短全通  
者不能成聲故自下而上五合爲宮四合爲商三合爲  
角二合爲徵一合爲羽最下一穴有啓而無合以濟宮  
聲畱後一穴多啓則必合以濟羽聲本雖五孔總有七  
孔此所以周禮注不過五孔而後世教坊所用不得不  
七孔者也余取五孔開合之變列其定數乃至於三十



二聲每以開者為陽合者為陰  
 則其理與易學家五畫之卦三  
 十有二無以異也又於此若加  
 以後一穴之開合則恰為六十  
 四聲與六畫之為六十四卦其  
 理相同又於此若加以半啓半  
 合之別則其變至於數百又於  
 此若加以猛吹徐吹之別則其  
 變至於數千又孰能分別族類  
 曰宮曰商乎然且前所論三十

商



角




亢



氏



房




羽




心




尾



箕



斗



浮

激

滿

曲

渾

舒

二聲

五孔之開合

不可分排於五聲

何者一啓四合者一合四啓者

各不過五而二啓三合者二合

三啓者厥數各十全通全塞者

各自爲一而已今若以此分排

五聲則商羽之聲其別有五角


徵之聲其別有十天下其有是

乎蓋此三十二聲不皆成聲余

令尹峒

卽茶山主人之子善吹笛吹而聽之

或呶嘍而隨斷或嗄啞而難轉



此皆病聲之當黜者

如上圖角亢房

角字相混故从角

皆

四合一啓當屬商聲心尾箕斗

皆一合四啓當屬羽聲然房斗

二聲嘖啞無所用笛家之所點

也

又如上圖牛女以下九聲皆三

合二啓當屬角聲昂畢以下九

聲皆二合三啓當屬徵聲然且

諸聲之中惟牛危奎三聲清和

徵




昂




細

畢



皆



參




幽

井



鬼



柳



管

星



張



可喜又昂參柳三聲幽妙可悅  
其餘諸聲咿嘜啞啞不成音節  
皆笛家所黜也

總之吹笛之法宮調以宮起調  
全用五聲商調以商起調轉用  
四聲角用三聲徵二羽一其法  
如六冕之服天子全用上公用  
其五侯伯以下以次遞減也然  
其一聲之中各具五聲則後孔  
之開合半竅之虧蔽互相軒輊

以具五聲之條理况猛吹徐吹其聲之長短清濁又各  
不同條忽圓滑不可執定斯豈筆舌之所能囿哉今欲  
考定雅樂須就中國笛師於其本法之中察其五孔之  
開合別爲五調以備五聲又於五聲之中各具五聲之  
條理使之隨曲轉折以成一章其法略具於明寧玉笛  
譜採錄在下○又按笙簫之十三管蓋以宮商角徵各  
具三聲而羽聲唯一故也無文可述今姑闕之

訂金聲石聲以槌之大小擊之高下別其五聲

〔學記〕善待問者如撞鍾叩之以小者則小鳴叩之以大

者則大鳴待其從容然後盡其聲

從容舊讀為舂容

○鑪案此

文鍾槌明有大小既有大小當分五等以具五聲宮調則用宮槌商調則用商槌不應以大槌求羽聲小槌求宮聲也然且聲之大小又繫於擊之高下其槌離鍾遠則其聲雄離鍾近則其聲細聲既不同當別五等所以樂之爲法宮調之內未嘗無商角徵羽羽調之內未嘗無宮商角徵也今欲考定雅樂宜於十二律之鍾各置五槌以備五聲其徑圍尺寸各用本律比例差降宜與

鍾師議之若其擊之高下則每以離鍾九九爲宮聲

律本

之九寸

離鍾八九爲商聲

即八寸

七九爲角聲六九爲徵五

九爲羽則鼎鼎乎五聲也雖其毫忽之分易於差錯而

肄業既久漸當手熟終有克諧之效也○擊磬亦然

訂樂具始終而五聲交錯凡再周爲一章

孟子曰集大成也者金聲而玉振之也金聲也者始條理也玉振之也者終條理也

萬章下篇

趙云如金音之有殺振揚玉音終始如一也○鑪案古

樂遺文只此而已凡樂一章之內各有二節其始也鍾

師擊鍾以聲之則歌聲乃發絲竹隨動起之以宮

商角徵羽

各以本音  
為本宮

五音繁會文理一周音調衰歇此之謂始條

理也於是磬師擊磬以振之

振者舉也而有衰而復興之意

則歌聲再

起絲竹隨動起之以宮五音繁會文理再周音調乃闋

此之謂終條理也

今人以振為收則與夔鳴球拊瑟之語不相合

始終既具乃

稱一章章者音十也

說文云樂竟為一章从音从十

五聲再周厥音非

十乎句有單複字有長短若一章不過二句而一句不

過二三字者一字而轉之為數音者有之今所傳皇明

宗室寧王唐樂笛字譜或一字之內音轉五六是蓋中

國自古流來之歌法也維清緝熙文王之典八字之內

五音一周肇禎迄用有成維周之禎十字之內五音一

周而謂之一章若盧令之詩則盧令令三字五音一周

其八美且仁五字五音一周

亦不必一字一音

若一章多至六

句或八句十句者亦必分爲二節令五音再周然後謂之一章今讀風雅頌諸篇其一章多句者於其章內或韻變或意轉明有二截之痕孟子所謂始條理終條理卽謂是也然且詩歌爲物有被之管絃無被之金石無被之土木所謂條理卽絲竹之曲折文理金玉二聲不過興動振起以之領調而已故伶州鳩之言曰金石以動之絲竹以行之草木以節之明金石之用不過興動草木之用不過節拍而細微曲折都在於絲竹而已故

夔之言曰鳧擊鳴球琴瑟以詠而祖考來格謂終條理

玉振之後神人乃和也

夔曰鳧擊鳴球搏拊琴瑟以詠祖考來格虞賓在位羣后  
德讓下管鼗鼓合止祝敔笙鏞以間鳥獸蹌蹌蕭韶九成  
鳳凰來儀○於予擊石拊石百獸率舞庶尹允諧

蔡云玉振之也者終條理之事故舉磬以終焉○鏞案

宗廟之樂皆一章而已

據周頌

而此一章之內有始有終

五音再周故始條理之悠然欲衰而鳴球鳧擊樂聲復  
振搏琴瑟鼗管並作則神人以和鳥獸以感夔之所言  
蓋云玉振之後衆妙齊現也下節擊石拊石津津重言

亦明此意也○笙鏞以間者笙頌相間也古文有庸無

鏞

篆文無金旁加金者隸書也

庸與頌通

容庸本諸聲頌者容也

故大射儀頌

磬孔壁古文本作庸磬

見鄭注

庸者頌也成功曰頌

大射注

民功曰庸

司勳文

頌者庸也據燕禮及鄉飲禮皆先歌鹿

鳴之三次笙南陔之三間歌魚麗笙由庚歌嘉魚笙崇

丘歌南山笙由儀然後合樂周南卽笙庸以間之遺法

也

宋子云

儀禮有笙鍾頌鍾儀

大射

書大傳云在東曰笙鍾

在西曰頌鍾

見詩疏

笙頌雖各有鍾磬此云笙鏞以間者

明是笙庸以間

庸音頌

後人誤加金旁也雖有鍾磬其音

細也

依詩

虞周之樂其大體之無所變如此而今人但

云鑪者大鍾不亦謬乎古之所謂大鍾重不踰石大不踰鈞今人習見千石之鍾認鑪太過則夔之言不可通也

古者頌磬大於笙磬則頌鍾或大於笙鍾故得大鍾之名

金聲玉振樂之大節忽

於玉振之後又擊大鍾有是理乎笙鑪以間者笙頌之相間也合止祝啟者歌三終笙三終合樂三終也

儀禮

文

訂五聲不限字數或一字而轉數聲

樂記曰歌者上如抗下如隊曲如折止如橐木倨中矩句中鉤累累乎端如貫珠故歌之爲言也長言之也○漢書藝文志河南周歌聲曲折七篇周歌謠詩聲曲折

七十五篇

見歌詩二十八家中○河南者周考王封其弟于河南為西周

○沈存中云

古之歌法有云聲中無字字中有聲所謂聲中無字者

謂凡歌須使字字融入聲內令字轉換處無磊塊圪圪

古人謂之如貫珠今人謂之善過度是也所謂字中有

聲者如宮聲字而歌曲之調合用商聲則能轉宮為商

歌之善歌者謂之內裏聲俗謂之吞吐恬靜不善歌者

謂之唸聲俗謂之叫曲謂之不合韞是也毛云貫珠謂其聲之興伏

挫折絡索不間斷耳徒以合韞融洽當之固已非是至古歌法所傳原謂聲中有字非聲中無字也○鏞

案沈括之說雖有小疵要之一字不可繫之以一聲囊

所謂喉齶唇舌分屬於宮商角徵者不攻而自破矣

毛氏定聲錄云王新建守仁籍寧府寧王即宸濠得寧王驪

仙所纂唐樂笛字譜今祇存宮調曲一首商調曲半首

又得桂華曲笛字譜

宮調曲四上尺工六即宮商角徵羽

聞上尺道工六工尺上行工四人六工四至工四六

粧工六梳工尺對六四鏡四工工尺臺四上六

淚四四尺上痕四六工六猶上尺尺未上尺工尺滅工四四六

笑工六工臉四六工六自上四尺上然工工工尺開尺

商調曲

淚上六滴尺上珠四六工難工六四盡上尺上

客

工尺工六

殘

尺工六

王

工四六

易

四仕四

銷

六四六

桂華曲正宮調

按譜字旁才是拍字

遙知天上桂華孤

譜字

試

工尺

問

尺六工

無

工尺

嫦

尺四

四四娥

有

四尺上

要

四六四

工

尺

無

工尺

工

尺

工

尺

月中亦有閒田地何不中央種兩株

譜字

○白樂天聽

都子歌

華曲

詩云都子新歌有性靈一聲格轉已堪聽

更聽唱到嫦娥字猶有樊家舊典型

又聽唱桂華曲詩

云桂華詞意慢丁

寧唱到嫦娥醉復醒

余謂唐人原以六律為五聲則其所謂宮調商調必與

古法不同其可見者惟一字永言其曲折圓轉或至三

四或至八九斯則古法之流來者

毛云以宮調合宮調曲謂之宮之宮黃鍾

之宮以宮調合商調曲謂之宮之商黃鍾之商蓋宮調以四字為宮聲上字為商聲上首次句最高字是鏡字

不過及仞字而止卽是宮調次首首句淚滴用低上字次句易字用高仕字至高至低無非以上字掣調卽為

調商

### 訂五聲各具一五聲

寧府樂錄五聲圖說云要識宮曲一清三濁卑不踰尺

高不踰腹商之所記兩濁兩清下從火立上用金成何

以爲角三清一濁物作下止民乃上觸徵聲最激全有

四清宮懸甫接徵招可聽

宮之宮

六工尺上四羽徵角商宮

宮之商

四六工尺上宮羽徵角商

宮之角

上四六工尺  
商宮羽徵角

宮之徵

尺上四六工  
角商宮羽徵

余謂此論四清聲之限節也宮調但用宮清商調用宮

清商清角調用宮商角三清徵調全用四清羽無若其

正聲則無不相用以成文理也然其旋宮之法顛倒首

尾音節難諧此亦酸儒所定必非工師之所用也○又

按寧府樂錄卽俗樂之流末不足爲據然五聲之各具

五聲其理瞭然此必中國樂譜之自古流傳者不可慢

也原夫黃鍾之用九九者正以五聲各具一五聲各差

以九則須至九九其數乃盡也宮之宮八十一卽九商

之宮七十二卽八角之宮六十三卽七徵之宮五十四

律尺九九圖

羽之宮

徵之宮  
徵之商  
羽之商

角之宮  
角之商  
角之角  
徵之角  
羽之角

商之宮  
商之商  
商之角  
徵之角  
徵之徵  
羽之徵

宮之宮  
宮之商  
宮之角  
宮之徵  
宮之羽  
商之羽  
角之羽  
徵之羽  
羽之羽

九九 八九 七九 六九 五九 四九 三九 二九 九

十五則商之羽三十六即四角之羽二十七即三徵之

羽十八即二羽之羽單九而九九畢矣宮商角徵各有

清變而惟羽聲之上更無清羽宋人謬作清羽謂之閏羽此不足言宮聲

之下再無濁宮以九數既盡進退不得也但五聲所用

即六羽之宮

四十五即五

余前已言之

矣第七篇羽之

宮即宮之羽

也宮之羽四

仍是本數而其所攝四聲備數而已

如琴絃之絲數但用本數其理

不顯至於琴瑟之徽法其用乃著五絃九徽則六七八

九明是商角徵羽之羽界也七絃十一徽則八九十一

明是商角徵羽之羽界也

見上琴瑟圖

竹肉金石皆有此理

而竹肉圓滑不可摸捉金石空蕩不可分界

鍾槌上下在虛空

故不能叙列若其理無不同也五聲之用畢於單九

### 舞義

樂記賓牟賈侍坐於孔子孔子與之言及樂曰夫武之

備戒之已久何也

註備戒擊鼓警衆

對曰病不得其衆也

憂不得衆

心咏嘆之淫液之何也

歌聲吟咏而歌美

對曰恐不逮事也

武象

王恐諸侯不至發揚蹈厲之已蚤何也踴地而對曰及時事也

言及時武坐舞人致右膝至憲左憲讀作軒何也對曰

非武坐也武之事聲淫及商何也殷及於對曰非武音也

不貪子曰若非武音則何音也對曰有司失其傳也若

非有司失其傳則武王之志荒矣子曰唯丘也聞諸萇

弘亦若吾子之言也賓牟賈起免席而請曰夫武之備

戒之已久則既聞命矣敢問遲之遲而又久何也謂久

綴子曰居吾語汝夫樂者象成者也總干而山立武王

之事也待諸發揚蹈厲太公之志也武亂皆坐周召之

治也亂樂之且夫武始而北出綴謂最在南第一位初

卒章

再成而滅商

象克殷

三成而南

象克殷而南

四成而南

國是疆

象經理

五成而分周公左召公右

象二公分職

六成復綴

象歸

鎬

以崇天子

天下皆宗之

夾振之而駟伐

即四伐

盛威於中國

也

二人夾舞者而振鐸以為節則舞者以戈矛四次擊刺

分夾而進事蚤濟也

部分

而夾

久立於綴以待諸侯之至也

○祭統云及入舞君

執干戚就舞位君為東上冕而總干率其羣臣以樂皇

尸是故天子之祭也與天下樂之諸侯之祭也與竟內

樂之冕而總干率其羣臣以樂皇尸此與竟內樂之

義也

又云升歌清廟下而管象朱干玉戚以舞大武八佾以舞大夏此天子之樂也康周公故以賜魯也

子孫纂之德而至于今不廢所以明

周公之德而至于今不廢所以明

○樂記又云夔始制樂

以賞諸侯故天子之爲樂也以賞諸侯之有德者也德  
盛而教尊五穀時熟然後賞之以樂故其治民勞者其  
舞行綴遠其治民逸者其舞行綴短故觀其舞知其德  
聞其諡知其行也○鏞案舞以象成象也者像也成之  
以文德者所象皆衣裳揖讓之事成之以武功者所象  
皆兵革擊刺之事而其功德多者至於九成其功德少  
者止於六成故武舞不過六成蓋以武王得位未久而  
崩未及興禮樂而正制度故不能爲九成孔子之謂未  
盡善所惜在此而先儒以揖讓征伐定韶武之優劣其  
義非也

先聖皆以唐虞之禪殷周之克歸之一義若昔  
以征伐之故貶薄武王是湯武爲弑逆可乎

顓頊作六莖帝嚳作六英斯皆六成而止故標之以六  
若咸池大章大夏大濩之類經雖無文疑皆九成也○  
總之舞之爲法如後世之演戲連廂特其動作威儀溫  
雅典重而已天子之舞八八六十四人於茲六十四人  
之中其一人扮作太公其二人扮作周公召公幾人爲  
諸侯幾人爲司徒司馬司空亞旅師氏又幾人爲千夫  
長百夫長於是嗣天子冕總干而立于位以象武王於  
是象太公者作鷹揚之勢象周公召者作夾輔之狀其武  
士之在位者或踴躍以奮力或擊刺以奏功及至五成  
六成又象其偃武修文之事以樂皇尸以戒嗣王以昭

先祖之功德舞之爲法本如是也今也立於舞位者同  
此一冠同此一服一時舉足一時張手一時回身一時  
鞠躬絕無意義無可觀感猶復名之曰舞不亦謬乎中  
國之舞下逮後世猶有古意故魏徵俛首七德謂其所  
象皆擊刺殺伐之事也今按樂記諸侯有功亦有舞綴  
故魯衆仲之言曰天子用八諸侯用六其綴雖短固未  
嘗無舞也我太祖大王豐功盛烈度越百王逐野人  
平三善禦蒙古納哈出破女真胡拔都  
三介  
威化回軍誅崔瑩壬申受命受內禪六成之舞其義赫然何  
所拘而不作也儒臣讀書不明無能以先聖先王之法

建白於朝廷故功德極天而廟樂不作文物悉具而祖烈未闡也嗚呼豈不惜哉

又詳余原舞

唐書樂志七德舞者本名秦王破陣樂太宗爲秦王破劉武周軍中相與作樂曲及卽位宴會必奏之謂侍臣曰雖發揚蹈厲異乎文容然功業由之被於樂章示不忘本也乃製舞圖左圓右方先偏後伍交錯屈伸以象魚麗鵠鶴命呂才以圖教樂工百二十八人被銀甲執戟而舞凡三變每變爲四陣象擊刺往來歌者和曰秦王破陣樂後令魏徵虞世南等更製歌辭名曰七德舞舞初成觀者皆扼腕踴躍諸將上壽蕭瑀曰樂所以美

盛德形容而有所未盡陛下破劉武周薛舉竇建德王  
世克願圖其狀帝曰製樂陳其梗槩而已若備寫擒獲  
今將相有嘗爲其臣者觀之有所不忍我不爲也○朱  
史樂志云神宗元豐二年詳定武舞舞者進步自南而  
北左右夾振鐸次擊鼓節舞者發揚蹈厲爲猛賁遽速  
之狀每步一進則兩兩以戈盾相嚮一擊一刺一伐爲  
一成成謂之變本文甚詳今刪之○鑪案中國舞法本皆如此  
無所象而徒舞者吾東之孤陋也但歌以頌德舞以象  
成舞非所以應歌也魏徵等別作歌辭以爲舞曲此則  
大誤非所當學也

納言義

帝曰予欲聞六律五聲八音在治忽以出納五言汝聽

舊說出納仁義禮智信五德之言

疏云律歷志角為仁商為義徵為禮羽為

智宮為信

○蔡云五言者詩歌之協於五聲者也

聲音之道與政通審

樂以知政而治之得失可知汝聽者言汝當審樂而察得失

○鋪案聲音之於納言

全不相涉帝語不可疑乎梅所云五德之言既甚荒唐

蔡所云五聲之歌亦不分明所謂五言竟是何物鬻子

云禹為銘於箕箒曰教寡人以道者擊鼓教寡人以義

者擊鍾教寡人以事者振鐸語寡人以憂者擊磬告寡

人以獄訟者揮鞀

世紀云禹命登扶氏為承夏之樂有鍾鼓磬鐸鞀鍾所以記有德鼓所以

謀有道磬所以待有憂鐸所以聽有事執  
所以察有說理天下以五聲為銘於冀簋余前讀尚書

以彼五聲當此五言既又思之禹之所設與堯之諫鼓

淮南子堯置周之戒鞀呂氏春秋武王後世之登聞鼓

南史臧厥傳當為一類槌鼓擊鍾者但要聲徹大內不

必協於六律諧於五聲帝欲聞六律五聲以納五言亦

難矣余謂五言者六詩之五也六詩之中風賦比興本

是風刺時政之物義詳余詩經無待復言雅之為體尤

是正言不諱直諫闕失者故召穆公作常棣以刺不睦

太子傅作小弁以刺幽王巷伯自書其字以冀敬聽家

父自書其名以究王訕以至白康之戒成王凡伯之刺

厲王無非箴肌砭骨面折廷爭之言故古之小序凡風雅諸詩不美則刺一歸之於治亂得失之戒正與虞帝在治忽之義鑿鑿符合惟頌之爲體本是廟樂有美無貶然有頌先王無頌今王帝所云出納五言者非六詩之中除此一體者乎噫風雅諸詩皆所以被之管絃則皆可以協律呂皆可以諧宮商帝欲聞六律五聲以納五言以察治亂非是之謂乎下文曰工以納言時而颺之蔡云命掌樂之官以其所納之言時而颺之颺者颺言也正惟詩歌有颺言故勅天之歌皋陶拜手而颺言也聖人作樂非欲以靡靡之音悅耳蕩心乃欲以君德闕失被之管絃播諸

耳目使之懲勑奮發以改其惡此虞夏殷周相傳不改  
之良法及周之衰此法遂廢人主無所懲畏於是孔子  
懼而作春秋以褒以貶以勸以懲所謂詩亡而春秋作  
也聖人以不聞過惡爲聾以不辨賢德爲瞽故使其臣  
爲耳爲目採聽風雅以察治亂彰施命服以察賢邪

楚孫

反金人銘云堯懸諫鼓舜立  
謗木聽採風謠惟日不足

若云聲音之道與政通聞

其樂音可知治亂則季札適魯觀樂贊不容口未必魯  
政無失孔子在齊聞韶食不知味未必齊德方隆審樂  
知政危殆如此豈牢固無錯之法乎其一棒一痛恐不  
如瞽矇之諷誦詩歌爲易省悟也詩之爲道或陳古義

使自悟之或陳前鑒使自戒之或直陳時政使自改之  
其有諂媚阿順以惑君聽者有司黜之斯之謂出納也

耳目使之然則猶有以改其德此所以是般而相傳不  
之其法及周之盛此法遂廢人主無所懲畏於是孔子  
作春秋以亂以錫以勸以懲而謂詩以爲春秋作  
之聖人以下國過惡而警以不賢賢德爲警故使其臣  
爲耳目以作聽視邪以興治亂章施命服以察賢邪  
其樂音可知詩樂之爲教通乎禮通乎數衆賢不容口未必言  
其無矣孔子亦嘗聞韶令不知味未必齊德之隆若樂  
興而諸惡何則德意其歸善齊於德其德之隆若樂  
興而諸惡何則德意其歸善齊於德其德之隆若樂

